

की १८०



१०६६ ○

गुं पुन्हिया देछा

व सुखः ? श्री कृष्ण अणु-वय् कः लिसे छन्हु
खेला बला यानां-खयालः या न्ह्यसः खयालं लिस : बल-
अले नेपाल भाषाया अदालतय् - संसारया सृष्टि छगू
न्हूगु थिसिस्त व थिकेगु अनुभव ज्वनाः -- जि पाकः
मिसाया भाःत--शाथरी हालाः खं छता न्यने थःसा
मरि छपा चुँइ-थथे नं जुइ तिति अथे नं जुइ तिति
धयां मस्त जिमिगु माग पुरा जुइमा धकाः हाला हल

मूः—छतका



नेपाल भाषाया
लयपौ

नेपाल सम्बत १०९९ गुंला

वै : २२/४

श्र्यंत्या: : १८०

संरक्षक : चित्तधर 'हृदय'

सम्पादक : विष्णु चित्रकार

व्यवस्थापक : भूषणप्रसाद श्रेष्ठ

प्रकाशक : पद्मरत्न तुलाधर

ज्यास: : १/१०१ असं, वालकुमारी, वे

३३०९

शायरी

१. थौं कल्लय भाइ श्री
कमय याये थाकु

कला:चित्त ह्येके ला

कन हे थाकु

अयसा छु याये की मिजंत

गीतला चित्त स्वया:

कला:या सतिता हे थाकु ।

२.

वंवाय लिबात कि

वं पुलेमा:

मछा: त्वपुइत लं पुनेमा:

लायक बेलायक वयनेत:

ज्यां मखु थन खं वयनेमा:

जि हे मज्जुसा छु यायेज्जु

छि नं जि नं तं वयनेमा: ।

बहनो जुलकि
रुहाम्हस्यां रुहा: बये य:

ग्यहपिस्त लयाकं न

सिक्क हे त्य: वये य:

ल्याय्मह जुल कि कन

मिस्तसे हे मिजं त्य: वये य: ।

श्रीकृष्ण 'अणु' लिसे छन्हू

खँलाबला

न्ह्यसः

भौ - नेपालभाषाया ख्यालः साहित्य ब्वलकेगुली छि यानादीगु योगदान तसकं च्छायेबहःजू । धयादिसँ श्व ख्यालःया ख्यलय् छि गुबलय्, गुकथं गनं दुहां भाया ?

लिसः

श्रीकृष्ण 'अणु' - जिगु योगदान च्छाये बहःजू वा मजू, जि छुं मस्यू । जिला थुलि हे जक स्पू; धाथें जि साहित्य हे जक ब्वलका च्वंगु खःसा, जि नं मचायेक मनु वयंकेगु बल्सि तैच्वंगु दु । जि स्वये-भौगु श्व नेपाः छगुलि हे ख्यालःया ख्यः खः । थुगु ल्याखं धायेगु खःसा जि श्व ख्यालःया ख्यलय् जिमि मांया प्वाथं पिहां वयाखतं छिबिपि सकलें गुबलं भाइगु खः उखलं वयाहा जुल । मखु छिगु न्ह्यसलं ख्यालःया साहित्यपाखे मिखाभाय् याःगु खःसा-थनि नीदँह्यः ख्यालःया छह्म पात्रया ल्याखं बिद्यार्थीया लुखां पिलुयाहा जुल ।

-छि ख्यालः च्वया दीगुजक मखु, ख्यालः च्वया दीगु दु, स्यना दीगु दु, ह्यिता नं दीगु दु, स्वया नं दीगु दु । श्व प्यताय् छितः जूगु अनुभव न्यने द.सा ज्यू ।

→ पक्का खः-जि ख्यालः च्वया, ख्यालः वयना, ख्यालः ह्यिता, ख्यालः स्वया । जि ख्यालः च्वये धुनीबलय् ख्यालः स्यने नं धुनी, ख्यालः ह्यिते नं धुनी, ख्यालः स्वये नं धुनी । उकि श्व प्यताय् जितः थो थो प्यतां तुं अनुभव मजू । छता हे जक जू । व छु धाःसः-यक्व यक्व पासा-पिसं साहुं ल्यू थें मल्यूगु जूसा न जि ख्यालः च्वये फइ

न वयने वइ, न ह्यिते ननी न स्वये हे खनी ।

- हालय् तंदुपि नेपाली जनतां आन्दोलन यानाः जनमत संग्रहया घोषणा याये माःगु धइगु खँ दु । नेपाली जनतां व तं छिगु बैकय् त्याये काःगु खःसा छितः राजकाज अप-राध ऐन कथंया कडा सजाय जुइफु । श्व खँय् छिगु छु धायेगु दु ?

→ धाथें तंदुपि नेपाली जनतां थाःगुतमं थाःततं म्वाये-चुइकेया पल्सा थुगिसइ पञ्चायती व्यवस्थायात ल्वापा नकूगु दु । तर श्व तंकालि जनतां थाःगु तं थ्याक्क थासय् लाक्क हे प्वकैखंगु जूसा जनमत संग्रहया घोषणा याये फइगु मखु जुइ बरु मेगु हे जुइगु जुइ । थुकि सीदु नेपाली जनतां व तं पक्का नं जिगु 'तं बैक' य हे त्यासा काःगु खः । छाय् कि तं पाकय् जुइ धकाः ग्याःपि कय्ता थातय् मलाःपि नेतात हे श्व 'तं बैक' या डाइरेक्टर जुयाच्वन । इमंसं तं त्याये मबिल जक मखु जःताय् हिनुली न्ह्याना च्वंगु तं तकं 'तं बैक' या सेफय् ध्वगिकेगु कुतः यात । उकि जितः ला छुं जुइगु भय् मरु छि धन्दा कया दियेमते व डाइरेक्टर नेतातय् छुं जुइ फुसां राजकाज अपराधया सजाय मखु, दक्षिण बाहुया तक्का लाये फु ।

- ख्यालः च्वइपिसं न्ह्यागु खँयात नं ख्यालःयात मसला कथं बिचाःयायेफु । छि जनमत संग्रहया घोषणायात गुकथं बिचाः याना दिया ?

→ न्ह्यागु खँयात नं ख्यालःया मसलाकथं जक बिचाः यात धाःसा ख्यालः-च्वःमि सकलें मसला न्वःपि जक जू वनी । उकि जनमत संग्रहया घोषणायात मसला कथं जक काये जी मखु । थुकियात ख्यालःया तिकमावसकथं काये माली । छाय्धाःसा यक्व गताबिदिल्लें तग्बःखारी देखुना तयाः, मबुयाः नये मखना च्वंगु संकागु नसा पाख वंक बुइ धकाः ग्यानाः मंकाः नसा कचं वंकेत हे काचाक्क

ख्यालः या जन्तुकासं नेगु छगू ख्यालः- 'जनमत संग्रह' धकाः वः गु दु ।

- जनमत संग्रहया घोषणा ला जुल तर थ्व जुइगु हे खः ला मखुला धइगु भ्रम जुइ धुंकूगु नं खने दु । थ्व 'खः ला मखुला' या त्वय् ह्यायां जुइका दीहा कथं छि थुकिया वासः गुकथं यायेगु विचाः याना दिया ?

◆थौतक जूगु गुगुं नं घोषणा तालय्लाः गु मदुनि । उकिं जनमत संग्रह जुइगु नं 'खः ला मखुला' धइगु भ्रम जुलं सुयां जाप्यय् क्वां मवनीगु मदु । छि नं जा छ-प्यय् सां सवाः कयाः भपिया दिसं । थ्व 'खः ला मखुला' या त्वय् नेपालय् जक मखु विश्वव्याप्त खः । ह्याय् भूयूपिनिसं ग्वाय् भूयूपि थ्यंक, कयता हुलिहुलिपिनिसं तिन्खाः कयतां चीपि थ्यंक, बाउचानिसं भाजु थ्यंक व्याः गु त्वय् थ्व खः । थ्वैत वासः जक यायेगु खः सा ला थी थी मनुत-य्गु थ्व त्वयया ह्दाः-प्वाः ह्याय् ग्वाय्, सँ-खँ, मिखा-साखां प्यँ-छप्यँ, स्वयाः विभिन्न रंग रूपया प्रजातान्त्रिक वासः यायेकु । तर त्वय् लनी मखु इलिइलि फिलिफिल लिश्वइ । त्वय्या हां ध्यना छ्यय्त जन क्रान्तिया अपरेसन मयासे सगाः । वासलं जक जी धाय्गु त्वय् प्वः घाचाः स्याः मचाः गु वासः नयाः छुकाः वास्यां हिलेगु जक खः ।

-मुक्क ख्यालः साहित्यया जक विकास यायेगु खँ न्ह्याः ने तयाः विचाः याये माःसा छि पंचायत व्यवस्था व बहुदलीय व्यवस्था निताय् छता गुगु ल्यया दी ?

◆निताय् छता जक मखु, निताय् निताय् तुं पाल्पाः छता छता यानाः ल्ययेमाः । छाय्धाःसा उखुनु तक पंचायत व्यवस्थाया ज्यान प्राणत थौं बहुदलीय धकाः गःपः तःपुक हाःगुनं ख्यालः साहित्यया विकास जूगुया चिं खः । अथेनु बहुदलीय व्यवस्थाया ज्यान प्राणत थौं हानं पंचायत व्यवस्थायात हंस थं जूगुला भन ख्यालः साहित्यय् ज्वः हे

मदुगु विकास जूगु खः । उकिं ख्यालः साहित्यय् विकासया गति पाः मयायेत निताय् निताय् ल्ययेमाः ।

-राजनीति पिने वयाः दकलप् न्ह्याःपुगु संसार लभ माने मतिनाया संसार दु, थ्व संसारय् दुहां वक्व मनुखं पिनेया दुःखयात त्वःमंकेगु कुतः याःगु दु । थ्व कुतलय् ताःमलायेव इमिसं थःगु पलाः रानीपुखूपाखे न्ह्याकीगु, दार्शनिक (वेय् उई) जुइत स्वइगु, साहित्यकार (विशेष कवि) जुइत स्वइगु । संसारया दकलय् अग्वः मनुतय् थुकथंया दशा फाला वंकेत छि गुकथंया संसार दयेकेगु कल्पना याना दियागु दु ?

◆मतिनाया संसारय् दुहां ववं मतिना हे ह्व ह्व गनेव पानय् बान तियाः थाय् यासय् लभ ब्वयाः नं लुमदं पि अगस्तित थ्व संसारय् यक्व दु । थये लभय् स्थापि मनुत मरु मरुगु दर्शन माः जुइ, कल्पनाया महलत वं जुइ । थुमिगु दशा फाला वंकेगु ठेक्का कया च्वपिसं थुमित 'शान्ति' 'मोक्ष' या चुम्बकं सालाः कल्पनाया शिशमहलय् सीहा ला म्वाःह्मला धाये मछिक दथुया अवस्थाय् तंतःगु दु । उकिं छि जि थिमिगु दशा फाला वंकेत छुगुं संसारया कल्पना याये माःगु मखना बरु सज्यान्त वुगु संसारय् लिं हयाः मनुया नामय् द्वा च्वंगु हाकः हुये माःगु दु ।

-आणविक शस्त्रास्त्रय् प्रतिबन्ध तयेत विश्वव्यापी आन्दोलन ताःलायेवं छिगु नांया ल्यूने घानाच्वंगु 'अणु' नं शायद छि छ्यले मदयेकु । उबनय् छि छु याना दी ?

◆अवश्य खः-आन्दोलन जुया च्वंगु दु, तर भ्वेतय् भ्वेतय् जक । आणविक शस्त्रास्त्रय् प्रतिबन्ध तयेत सना-जूपि स्वयम हे आणविक शस्त्रास्त्रया बोपिसत व दैद्यत खः । थःगु आगं सुचुकाः ककिया आगं वक्थाया वक्थं प्वाः ह्वतं स्वः जूपि थुपि आगंखुत खः । उकिं थ्व आन्दोलन ताःलाइ धकाः छि ह्मसया ह्मसय् खंकेगु नं छुं सन्धि

या:गुलि धुँतसे आ: ला नै मखुत धायेगु जक ख: । वरु जिगु नांया ल्यूने घानाच्वंगु 'अणु' छित: त्व: वना: जक थये धयादियागु ला मखुला ? त्व: वनापुसे च्वंसा छि नं छयला दिसँ, पासापिन्त नं छययेका दिसँ । छायाकि प्रत्येक मनू छकू 'अणु' जक ख: ।

—मनूया जीवनय् गुगुं नं घटना सिलसिला मिलय् याये भानि धका: पिया मच्चं । उकि जिमिसं नं सिलसिलाया खँ छखे तया: न्यनाच्वना — छिकपिनि क्वथाया जीवनय् छिगु ख्याल:या गुलित प्रभाव ला:गु दु, छि चायेका दियागु दुला ?

—छि जीवनया घटनात छसीकथं वैमखु धै दिल । तर ह्याय् तपुपि, म्ये निपुपि, मिखा हिलोपि, स्तुतु पिचुपि, नुग: वंचूपि भी नयेता वा नेता धा:पिसं धा:सां जनमत सिमथयेक पित्या:सां नये धाये मतेनि, स्या:सां आध्या धाये मतेनि, आसेनि घाल । तर जि स्वये-जीवनया घटनात सिलसिला महनीगु ख:सां थला:क्वल: माथं वंके धुनेव थुकथंया कथं महंगु जीवन स्वानाच्वने माली मखु । छि क्वथाया जीवनया खँ न्यना: जिमिगु आगं खँ ल्हूकेत स्वया दिल । क्वथाया जीवन याक:चियागु यक:तिगु मखु उकि जिमि वंके ग्याग्यां न्यना-छु धया छय माली थै ? धैछ-या दिसँ रे ख:ख:गु । छु ग्याना च्वने मा:गु दुला धायेव तिनि वंगु हे सासलं जि थौं चि मन्त सिमन्त धा:सां ख:ला मखुला याना दीह्य छि जित: छु ल्या:चा: याना: जीवन बिके त्यना ? तं कयं कयं न्ह्याक्व तं कयंसां नं फुक्क बैकय् तया: तं हे पचेयाना नैह्य छित: गुलि 'तांति ग्व:जा' याये । उलि धायेवं जि चाल-जिमि क्वथाया जीवनय् जिगु ख्याल:या प्रभाव मला:सा जीवनय् फाकुगु हत्वावेत जुइ । अथे हे ख्यालकय् क्वथा जीवनया प्रभाव मला:सा ख्याल: बर्षाया क्वा:ल: जुइ ।


—छि ख्याल: हे छाया च्वया दियागु ? छि ख्याल: च्वया दीमते छन्हु छित: वारन्ट वयेफु । थुनिया लिस: ?

—बाखनं, चिनाखं ची मफुपि जन्दु जन्दु जन्तुतय्त थव ख्यालकं अ:पुक चिना तयेफुगु गुण दया: हे जि ख्याल: च्वयागु ख: । ख्याल: च्वये मफया: छु त्व:तये छु त्व:तये जुयाच्वंहा जित: छि 'ख्याल: च्वया दीमते' धा:गु छिगु खं नुग: हे सिचुका बिल, छित: धन्यवाद । आवलि ख्याल: च्वये मखुत । तर च्वलकि वारेन्ट वये फु धका: ख्याचव: विया छुगुलि वारेन्ट वंगु ख:साला मच्चसे मजिल । छायाकि जनताया ग्वाचं व आगसां करेन्ट पिहां वयेकेत 'वारेन्ट' मदयेक मगा: ।

—छि श्रीकृष्णयात बांलाक ह्यमस्यूपिसं छित: मदनकृष्णया दाजु धका: ह्यसीकाच्वंगु दु । उज्व:पिन्त छिगु परिचय बिया बी द:सा ज्यू ।

—जित: मदनकृष्णया दाजु जक मखु भाजु हे धा:सां जि तंचायेथाय् मडु । छायाकि थव खँ ह्यमस्यूपिन्सं धा:गु ख: । धाथेला श्रीकृष्ण व मदनकृष्ण दाजु किजा हे ख:- छगू हे क्षेत्रया सद्दे दाजु किजा । तर छखा छेया दाजु किजाया खँ मिलय् मजुया: गह्र: मिलय् मजूपि थै व्यागलं च्वने मालाच्वन, थुकी जित: तसकं नुग: च्यतु । जित: ह्य मस्यूपिन्त धैबिया दिसँ-श्रीकृष्ण मात्र श्रीकृष्ण ख: । थुली लुमदंपिन्त छगू परिचय गोठि न्यायेके तयंगु खँ नं कना बिया दिसँ ।

—लिसँ छिगु शिक्षा दिक्षा, लजगा: लगानी, आय व्यय, लक्ष उद्देश्य नीति विचार, दर्शन सिद्धान्त, योजना आयोजना वारे संक्षेपं कना दीसा छिगु ख्याल: स्वईपि व स्वमिपिन्त ख्याल: बांलाक थुइकेत ग्वहालि जुइ ताया । थुकी छि कना दीगु खँ 'अतिगोप्य तयेमा:सा अथे तयेत जिमिसं बचं बीफु ।



भाजु श्रीकृष्ण 'अणु'

—छिगु न्ह्यसः ताहाथे ताहा, उकिं लिसः चीहाके ।
ख्यालः स्वईपि व व्वनीपिन्त ख्यालः बांलाक थुइकेबीत
'ख्याल' कं हे ग्वहालि जुइगु ताया । थ्व हे खँ 'अतिगोप्य'
तया दिसँ ।

—छह्य मनु नये मखनाः त्वगि जुयाः, वासः याये मफयाः
तच्चः जुयाः सीत्यंबलय् प्राण त्वःते न्ह्यः छकः इतिइति
ह्लिल हे । घयाके छाय् ह्लिलागु धकाः न्यनं "श्रीकृष्ण
अणुया ख्यालः स्वयागु लुमंसे वया ह्लिलागु" धकाः धाल
हँ । थ्व खँ खइला ? खःसा छिगु गुगु ख्यालः लुमंकाः
व न्ह्यगु जुइ ? व न्ह्यगुली छि लुदंला ?

—'हँ' 'हँ' या खँ खइ वा मखइ जितः धाये थाकुल ।
खःसा व मनुखं इलय् हे बुद्धि चायेकाः ह्लिउगु खत ।
छाय्घाःसा स्वानाज्वःछि ह्लिले त्वःमनाच्चंगु भसंग लुमंकाः
प्राण त्वःते न्ह्यः छकः इतिइति मह्लिउगु जूसा
ह्लिलाया अनुभव हे मदंगु । उकिं वय्कः न्ह्यगुली जि
तसकं लुदं । त्यं दनि जिगु ख्यालः स्वयागु लुमनाः ह्लि-
उगु खँ थ्व खँ नँ मखइ धकाः धाये थाकु । मनूत अद-

भूतपिं दु । गुम्हं ख्यालः स्वये मलावं ह्लिलीपिं, गुम्हं
ख्यालः स्वस्वं ह्लिलीपिं, गुम्हं ख्यालः स्वयाः त्याहां ववं
ह्लिलीपिं, गुम्हं हानं छेँ थ्यंकाः कलातं ख्यालः गय्चवं धकाः
न्यनकितिनि ह्लिलीपिं । उकी मध्ये वय्कः छह्य ख्यालः
स्वयाः नं ह्लिले त्वःमनाच्चंगु वा ह्लिलेत फुसंत मदया
चंगु जुइमाः । अले प्राण त्वःते न्ह्यः छक्वलं ह्लिले माःगुलि
यानाः वय्कः छगू हे जक ख्यालः लुमंकाः न्ह्यगु अवश्य नं
खइ मखु । बरु निगू प्यंगू ख्यालःया टुक्का टाकात छकलं
लुमंकाः ह्लिउगु जुइमाः ।

—भोगु भाषाय् ख्यालः साहित्यया विकासया निर्नि छिगु
छुं सुभावं दुला थें ?

—ख्यालः साहित्यया विकास यायेत स्वकुमि भाजु
मय्जुपिन्त ध्यवा धाक्व धाक्व इनाः वयनेगु यायेमाः ।
ख्यालः च्वैपिं, ख्यालःया दबू ग्वैपिसं छेँ बुँ मियाः ख्यालः
यात माःगु खर्च यायेमाः । थ्व थये जुल धाःसा ख्यालःया
विकासय् रकेटया गति वै । ख्यालः विकासया सीमा
प्यनी । अज्ज तच्चःगु विकास यायेगु खःसाला थौं कन्हैया
बरिष्ट नेता धाःपिन्त नं ख्यालःया पात्र यायेमाः ।

—छि मेपिनिगु ख्यालःयात गुकथं स्वया दिया ? मेपि
मध्येय् सुया गुगु ख्यालः छितः दकय् बांलाः ताल ?

—गुगुं नं ख्यालःयात छह्य साधारणह्य स्वकुमि बा
व्वमि जुयाः वुगयेक स्वयेगु जिगु बानि खः । बांलाःसां
बांमलाःसां ख्यालः पूर्वक स्वयेगु जिके धैर्यं दु । जि स्वयागु
ख्यालकय् रामशेखरया 'अस्पतालया जा' दकलय् बांलाः
ताल ।

—ह्लीकेत, न्ह्याइपुकेत जक ख्यालः मखु धाइ । थ्व खँय्
छिगु छु बिचाः दु ? छिगु ख्यालः स्वयाः सुं ह्लिला मबिल
धाःसा छितः छु असर लाइ ?

(४ पेजया ल्यं)

— ह्रीकेत व न्ह्याइपुकेत जक ख्यालः मखु, निश्चय नं मखु । ह्रीकेगु न्ह्याइपुकेगुया नाप नापं ह्रीला ह्रीलाः तं चये बीगु छतांबेस दयेमाः । जिगु ख्यालः स्वयाः सुं महीली धंगुला जितः शंका मरु । बरु सुं ह्रीला मबिल धाःसा व ख्यालः स्वये धुंका लँय ववं ह्रीलीह वा छे थंकाः कलातं न्यंकाः तिन ह्रीलीह वा प्राण त्वःते त्ययेकाः तिन ह्रीलीह जुइ धकाः जि बिचाः याये । घात्थे ह्री हे महील धाःसा वं जिगु ख्यालः स्वयाच्वंगु मखसे मेगु हे ख्यालः मखुगु छुं स्वयाच्वंगु जुइमाः ।

— “भी” या व्वमिपिन्त छिगु मधासे मगाःगु छुं खे दुसा धया दीसा ज्यू, जिमिसं थंका बी ।

— “भी” या व्वमिपिन्त “भी” पत्रिका इलय् ब्यलय् मथ्यंगु “भी” या व्वमिपिन्त दथ्वी हुइना बुइना दु । उकिं छि जिगु खे “भी” या व्वमिपिन्थाय् थंका बिइगु खँय् जि पत्याः मजुया । अथेनं छि “भी” पत्रिका थियाः पाः फयेका दीगु खःसा छता खे नायखि च्वयका बिया दिसँ — “की या व्वमि भाजु मय्जुपि ! थ्व थ्व थ्व भीया व्यवस्थापक गुह्यस्यां भीया ग्राहक ल्हापं तकं इलय इलय काः मवः व्वमि भाजु मय्जुपिन्त साहुं कयंका च्वंगुली सर्वोच्च अदालतय् नालीस तया दिसँ ।”

भाजु सूर्यबहादुर पिवाःया

‘बुहिम्ह ल्यासे’

गुंपुह्रिया न्ह्याइपुगु लसताय्

पिहां काःगु दु

ह्र्यमो पांयमो देना तयाः

स्वया दिसँ

स्वः कायेगु थाय्

ह्रःपा गुथि; असं, ये ।

भी/१५०

नेपाल भाषाया अदालत

‘नेवारी’ धाःगुया विरूध्द

जूगु मुद्दाया रिपोर्ट

न्यायाधीश— माणिकलालजु छि वंगु श्रावण १६ गते बुधवार खुनु तिनख्यःया चकं दबुली नेपाल भाषायात ‘नेवारि’ धयादिल । छितः मां भाय्या द्रोही कथं छाया सजाय याये मज्यूगु ?

अभियुक्त— जि नेपाल भाषायात नेवारि धयागु खः । तर म्हुतुं न्ह्यागु धाःसां जि लेख च्वयाबलय् न्ह्याबले न्ह्याथासं नेपाल भाषा हे च्वया बयागु दु । उकिं जि “नेपाल भाषा” हे धायेमाः धइगु सिद्धान्तयात त्वःतागु मखु । उबलय् तिनख्यःया विशेष स्थितियात ध्यानय् तयाः जक जि ‘नेवारि’ धयागु खः, वास्तवय् उकिया अर्थ नेपाल भाषा हे खः छायाधाःसां महीपिसं नेपाल भाषायात हे ‘नेवारी’ धाइगु खः । उकिं जितः थ्व खँय् कारवाइ मजूसी ज्यू ।

न्यायाधीश— प्रेमबहादुरजु छि उगु सभाय् नेपाल भाषायात नेवारि धायेकाः छु स्वया च्वना दिया ?

प्रेमबहादुर— उकिया विरोधय् जि उगु सभा क्वचाये साथं हे सभापतिया पदं राजीनामा बिया वयागु दु ।

न्यायाधीश— दुर्गालालजु, छि नं उगु सभाय् उपस्थित जुयादीगु थन रेकर्ड दु, छि छाया दनाः विरोध याना मदिवागु ?

दुर्गालाल— जि विरोध जक मखु, तुगलं तुगलं विद्रोह तकं यानागु दु । तर उकियात सुनानं खंका मज्यूगु जक खः ।

न्यायाधीश— पद्मरत्नजु, छि उगु आमसभाया रिपोर्ट ताहाकयेक यानादीगु दु तर माणिकलालजु नेपाल

(१)

भाषायात 'नेवारी' धाःगु खेंया रिपोर्ट जनतायात व्युगु मडु, उकिया विरोधय् सम्पादकिय च्वया दीगु नं मडु ।

पञ्चरत्न- जि उकिया विरोधय् व्छया हःगु "सम्पाद-
कयात पौ" गथे वल अथे हे पिकिया बियागु डु ।

न्यायाधीश- नातिबज्र, छि नं उगु आमसभाय् दी
ला ?

नातिबज्र- दी ।

न्यायाधीश- छि छु स्वया च्वना दियालय् ?

नातिबज्र- जि ला ? जि माणिक दाइया म्हुतुइ
त्वालां स्वया च्वना ।

न्यायाधीश- छि छाय् छसः हे विरोधया सः तया
मदियागुलय् ?

नातिबज्र- विरोध यायेत म्हुतु उलिउलि ला संगु
खः तर उबलय् छु जू छु जू सः हे थाहां मवल धयां ।
लिपा विरोध याये तिनि जि ।

न्यायाधीश- कत्तेबहादुरजु, मेपिसं विरोध मयाःसां
छि ला विरोध याये माःनि ।

कत्तेबहादुर- जि गथे विरोध यायेगु ? जि ला
विरोध हे याये मछि । हानं जि जंक्व त्यये धुकूह, विरोध
ला श्व त्याय्हातसें धकाः याये माःगु ।

न्यायाधीश- मदनकृष्णजु, छि अन छु याना च्वना
दियालय् उबलय् ?

मदनकृष्ण- जितः ला नेवारि धायेसाथं हे पार्लिनिसें
तें पिहां वल । तर उबलय् पार्लि चुया च्वनागु मजुसे ध्यनं
पयतुना च्वनागु जूगुलि तं दना वये मफुत । हानं हागु
चूलाकेगु ज्या नं दनिगु सुम्क चिमालय् वना व्छया ।

न्यायाधीश- भृगुरामजी, छि लय् छि, म्ये हाली
बलय् धाःसा ततःसलं हालेसः उबलय् हाले मसःगुला
गय् ?

भृगुराम- मसः छिगु । लय् सूर व ताल मदयेकं छुं

हे हाले मसः छिगु । दुर्गालाल म्ये च्वलकि हाले नि, हालेगु
नापं गन वनी ।

न्यायाधीश- रोहिणीबहादुर कायष्ठजु, छि नं दोषी
खः, छितः नं सजाय जुइ ।

रोहिणीबहादुर- जितः छाय् सजाय, यलय् जूगु
आमसभाला मखुनि व, येय् जूगु आमसभाय् न्हागु
हे जूसां जितः छु मतलब । जि सजाय काइ मखु ।

न्यायाधीश- नेपाल भाषा नेपाल भाषा हाला जूह
छह छि नं ला खः नि, छितः नं श्व मुदाय् सरासर सजाय
जुइ ।

रोहिणीबहादुर- अहं जि श्व खय् सजाय फइ हे
मखु । जि धाये धुनकि धाये धुन का । नेपाल भाषाया
सेवा नं यायेगु हानं सजाय नं फयेगु ? गुज्वःगु न्याय श्वः ।
श्व जुइ हे फइ मखु । येय् जूगु सभाय् न्हाह्रस्यां न्हागु
हे धारे, जिला यलय् वने त्यल ।

न्यायाधीश- अय्सा छि येय् गुबले हे दुहां वये दइ
मखु । वागमती तां पुलाः थुले पलाः हे तये दइ मखु ।
येय् वये हे दइमखु ।

रोहिणीबहादुर- वये दइ मखुसा दइ मखुका । मांचवः
वये जि नं । जि धालकि धालका ।

न्यायाधीश- रमापतिराज मर्शा !

रमापतिराज- हजूर, जि थन बिज्याना ।

न्यायाधीश- छिगु छुं धायेगु दु लाकि ?

रमापति- माःछि माःछि धायेगु दः । थुकी जिगु नं
विरोध दः ।

न्यायाधीश- छिगु विरोध गन दु ?

रमापति- जिगु तुगः चुइ दः, जिगु ह्यसपताय् दः,
जिगु मिखाय् दः, जिगु ह्यासय्, ह्यापनय् फुकभनं माःछि
माःछि दः ।

जिमिगु माग पुरा जुइमा

चवःह्यः सु तुलाधर ?

थाय् छगू त्वाःया छगू दबू ।

ई : तिहिनय्

धर्क उलेवं- फिनदं निते फिन्यादे तक दुपि छपुचः
मस्त ह्यिताचवनी । उकी मध्ये दकय् तःधिकःह्य मचां
सकसितं सःताः थःपाखे ध्यान साला काइ ।

राम- थन स्व थन स्व थन स्व । जिके खंला ई
(फुक मस्त वनाः ह्यारर स्वः वनी)

हरि- उं बेलून का आम । जिमिथाय् छेय् नं दु ।

शंकर- खः खः जिमिथाय् छेय् नं दु । आम पुइमज्यूगु
बेलून छु यायेत ?

हरि- क, छाय् पुइमज्यू थव, फन पुइ ज्यू, गपाय् गवः
जुइ स्थूला थव ! (ह्याः भाय् यानाः) यां थपाय् गवः
जुइका थव पुइबलय् ।

शंकर- बाजी तयेका, पुइमज्यू का आम ।

हरि- का बाजी तलका, गुलि गुलि बाजी ?

शंकर- धाक्व धाक्व बाजी । जिमि मां नं ला पुइ
मज्यू धकाः न्ह्याबले लाका काइगु । मेगु बेलून न्यानाः
पूहे धकाः धयबा बी गु ।

कृष्ण- खः धयां जिमि बाः नं नं पुइ मज्यू धकाः

न्यायाधीश- छि उकियात छाय् पिकया मदियागु लय् ।

रमापति- ह्य ह्यछि हे दसेलि जि उकियात हानं
स्ये स्वे ल्हवाः पिकया चवने माःगु मदः । हानं जि
उबलय् तिनिछयलय् द नं मदः ।

न्यायाधीश- अय्सा छि थन वयान नं बी मदु । छि
खप थय्क कायेमानि कासे ।

रमापति- जि थव मुदाया फंसला न्यनेत माःरि माःरि

बवः बियाः लाका काइगु धयां ।

हरि- जि गवःकः ला पुया स्वये धुन । जिमि मांपिसं
मखं पुराचवनेगु जि ला !

वसन्त- गन न्यायेगु दु आमज्यःगु बेलून । जि गनं नं
मियातःगु मखं । आः धयबा लुल कि जि नं आमज्यःगु
बेलून छगः न्याये मास्ति वः ।

हरि- गनं नं न्यायेगु दइमखु । जिमिथाय् ला
न्ह्याबले थवथाय् जक लुया वइगु ।

राजेन्द्र- छकः पुया स्वःसा । गपाय् गवः जू छकः
स्वये ।

हरि- सय् जि पुया बी ।

राम- म्वाःल म्वाःल, जि हे पुया वयने । (पुइत्यनी
बलय् त्वाःया छह्य तःधिकः ह्य मनुखे खनी)

बाबुराजा- बदमासत, म्वाःमदुगु सनाचवनी । हचि,
गन कया हयागु आम (लाका काइ) हे बिसि हे । स्कूलय्
भाखः बवने म्वाः... बदमासत । आः हानं छकः हचि,
थुज्वःगु- छिमिगु ह्याः त्वाथला बी । (वनी) (पलख
लिपा)

राम- थव बाउराः दाइचां कीत न्ह्याबले ह्या जक
उत्सुक ।

न्यायाधीश- थुकिया फंसला कल्लय् हे जुइ । कल्लय्
कासे ।

रमापति- कल्लय् ला सापाक, सायाः व्हइपिन्याय्
पूजा वने माः जि ।

न्यायाधीश- अय्सां कल्लय् हे जुइ । फंसला न्यने
यःसा पूजा त्वःताः सां कासे ।

ख्याइगु । की फुक जाना: दाये मफइला वइत । करपिनिगु
बेलून लाका कया: वया काय्पात बी यंकीगु जुइका ।

कृष्ण- बाउरा: दाइचिया काय् ला मदु । वं हे पुइगु
जुइका ।

हरि- जि पुया बी धयां मज्यू । जिके जूसा वं लाका
हे काये फइ मखु । वं न्हाये मदयेक बिसि वना बी की
जि ।

जनक-जिगु तास छजु नं लाका का:गु दु वं फिकी
वंगु तास । उखुनु स्वन्तिबल्य चुक्य ह्मिताचवंगु वहे तास
ला ख:नि । अमेरिकन तास व ।

धर्मेन्द्र- उखुनु जिपि निहा (खला कान्छा) खोपि
ह्मिता चवनाबल्य नं ध्यबा फुकं लाका यंकूगु । स्वमोलं
मयाक दु ।

कृष्ण- जिगु चुरोट हे ग्व:पु लाका काये धुंकल वं ।
हूत मस्तसे नं चुरोट त्वने ज्यू ला धका: लाका कया: थह्यं
का त्वंगु ।

हरि- लूता: द्वं लुता: द्वं व । थव त्वाल्य व छह्य
दतले की छुं हे याये दइ मखु ।

शंकर- त्वा: यार्पि फुकय्सित ध्याना त:गु दुनि वं ।

कृष्ण- न्हाबले त्वाल्य दु व हानं । जागीर जिगिर
न: वने म्वा:, अले छुं ज्या मन्त की मस्तयगु लुट्य या:
वल का छु । न्हागुं सितिकं ला: का वंत ।

राम- वया गुबले तरकारी हे न्याये माली मखु छु ।
ज्यापुतय्के लाका हइगु ला ख:नि । थन छाय् पस: तइगु
घालकि ला ज्यापुतसे तरकारीयागु ध्यबा हचि हे धाये
छाली मखु ।

जनक- वया ब्याहा या:गु हे सितिकं ब्याहा या:गु ।
छिच्छा: नं खचं मया: । वं सुया कला: मस्यु उरय् याना
ह:गु हें ।

राम- आ: ब्याहा हे सितिकं लाकूहेस्यां मेगु छु

सितिकं मलाकी । जिमि बा:या ब्याहा: या:बल्य न्येदो
दां ला भव्य नकेत जक खचं जूगु हें । लंस्व: वंपि हे
ह्ल्यस:त्या दु हें ।

जनक- हें हें, छं खंगु ख:ला ।

राम- छं स्यूला । जि नं लंस्व: व्वना यंकागु धा:गु
स्यूला जिमि बा:नं ।

कृष्ण- अबुया ब्याहा बल्य ला लं स्व: वनीह्य का,
अयसा छिमि ब:या काय् हे मखुका छु ।

राम- जिमि बा:या काय् मखुसा छिमि बा:या काय्
ला लय् जि । करपिनि ब्याहा: बल्य ला लंस्व: वनी, थ:गु
अबुया ब्याहाबल्य लंस्व: मवनीला ।

कृष्ण- छे छे अबुया ब्या: बल्य ला लंस्व: वनीह्य ।

राम- छु वने मज्यू धका: चवनागु ला ।

कृष्ण- मज्यू ।

राम- छाय् मज्यू ।

कृष्ण- मज्यू का ।

धर्मेन्द्र- जि ला वनेगु भाइ । अबुया ब्या: बल्य हे
लंस्व: मवसा सुया ब्या: बल्य लं स्व: वनेगु लय् !

हरि- धर्मेन्द्रचां धा:गु नं ख:गु खं । थ:हे सहे अबुया
ब्या: बल्य नं काय्पि मथ्या: धइगु दइला । लंस्व: नं वने
दयेमा: भव्य न नये दयेमा: ।

जनक- मालां छु याये । ग्वसा कीत आ:तक अबुया
ब्याहा हे सीके ब्यूगु मखु । की अबुपिसं न्हाबले कीसं
मसीक ब्याहा याइगु । छं स्यूला छिमि अबुया ब्याहा
या:गु ?

हरि- मस्यु ।

जनक- (छह्य छह्येसित) छं स्यू ला, छं स्यूला छं
स्यूला ... ।

फुकं- मस्यु ।

जनक- उकिला घड़गु ।

हरि- थ्व ला तःधंगु अन्याय खः नि, थ्व ला मज्यू
नि ।

धर्मेन्द्र- अं—

कृष्ण- व्छालुक बछि लें

जनक- हाले मते... थन गज्यःगु खें जुयाचवन स्यूगु
मखु, ह्याः यानाचवनी ।

धर्मेन्द्र- ठीला मथ्याःपि कार्पि थे धकाः जुल ।

शंकर- जु... जु... जुल । थ्व ला अन्याः हे खः ।

राम- आः छु यायेगु लय् कीसं ?

शंकर- जु... जु... जुलुस पिकायेगु मजौला ।

हरि- ज्वना यंकीका जुलुस पिकाल कि । अबुया
व्याहा स्वये धातले पुलिसया व्याहा स्वये माली का ।
ज्वना मयंकी हे मखु । लंगुरबुर्जा हितल धकाः ला ज्वने
छाःपिसं, मखुला, जुलुस वलकि मज्वनीला ।

धर्मेन्द्र- ज्वे सा ज्वन का ।

कृष्ण- ज्वंसा ज्वनका का कीसं नं जुलुस पिकायेगु ।
पुष १ गते खंला गन गन गामय् च्वंपिला थन थयंक जुलुस
वः धासेंलि भी जक जुलुस वने मज्यूला ।

राम- इमित ला ध्यबा बियाः हःगु का । अथे वइला
नत्र ईपि । मोटरय् तयाः मुं का हःगु का इमित, छं छु
स्यू ।

कृष्ण- जि नं स्यू छं जक छु स्यू । जिमि वाःयात
जुलुसय् मवलकि जागीर खोसय् याइ धाःगुनि । उकि ला
ह्याःसां न्ह्याःसां वनीगु नि ।

शंकर- उकि ला घड़गु ह्याःसां ह्याःसां ला जु... जु...
जुलुस वनी धासेंलि, की जु... जु... जुलुस वने मज्यूला !

जनक- ज्यू ज्यू का जुलुस हे वनेगु की नं ।

राम- जुलुस वनेत हाले नं माः, स्यूला छं । छु धकाः
हालेगु लय् की ?

शंकर- कीगु मांग पुरा जुइमाः धायेगु का ।

हरि- कीगु मांग छु धायेगु लय् ?

जनक- कीगु मांग जि दयेका बी का । छहस्यो
चव का ।

धर्मेन्द्र- जि चवय् जि चवय् का धया हचि । (चुरोट
बट्टाया थ्व माला हयाः सिसाकलम ह्मिचां पिकाइ) का
बुलुहुं धया हचि ।

जनक- का ह्मापालाक चव- अबुया ब्याहलय् जन्तुत
वने दयेमाः ।

हरि- मौजल मजिल । की जन्तु मखुनि मथे धायेत ।
लेंस्वः वने दयेमाः धायेगु का । का चव जि धया बी- अबुया
व्याः बलय् लें स्वः वने दयेमाः ।

जिमिगु मांग पुरा जुइमाः ।

जनक- आः मेगु चव वथाय् च्वंगु बेलून पुइ दयेमाः ।

धर्मेन्द्र- आसे आसे... (चवं चवं) पुइ दयेमाः । का
जिल ।

जनक- बाबुराः दाइचा मुर्दावाद ।

धर्मेन्द्र- (चवचवं) मुर्दावाद । हानं मेगु धया हचिका ।

जनक- मेगु छु । उलि हे ला खःनि ।

फुकं- मगाःनि मगाःनि मेगु नं चवये मानि ।

जनक- जिके ला मेगु मवल । उखुनु इस्कूलय् छु छु
मांग तःगु व फुकं तया बी कि मखुसा ।

राम- इस्कूलयागु इस्कूलय् हे जुल का । थन ला
त्वाल्य यागु मांग जक चवयेगु का ।

धर्मेन्द्र- जि के छगू वल, चवये ला जि ।

फुकं- चव चव का ।

धर्मेन्द्र- अं...

कृष्ण- व्छालुक बछि त्वं ।

धर्मेन्द्र- स्व न्ह्याबले अथे धयाचवनी खःला छं, जि नं
धया बी अले ।

राम- स्वाःल स्वाःल सुम्क च्वं, माग हे च्वये मगाःनि
त्वाना च्वनी । धर्मेन्द्रचा स्वाःल च्व ।

धर्मेन्द्र- अं-----

कृष्ण- व्छाल-----

धर्मेन्द्र- अज खःला ?

कृष्ण- मखु मखु, च्व का ।

धर्मेन्द्र- (च्वया यंकी) लैय् फूटबल हिते दयेमाः ।

फुक- ज्यू ज्यू । लैय् फूटबल हिते दयेमाः । धमाधम
च्व धमाधम ।

धर्मेन्द्र- धया हचिरे का, छु छु च्वयेगु ।

कृष्ण- छगू जि धाये लंगुरबुर्जा हितेबलय् ज्वने
दइमखु ।

फुक- जिमिगु माग पुरा जुइमाः ।

धर्मेन्द्र- (च्वच्वं) हाले मते रे जि च्वहे ला मच्व-
यानि । लंगुर.....बुर्जा... हितेबलय् ज्वने दइमखु ।
मखुला ।

शंकर- खः खः । ज्वने दइमखु । मखुसा सोल्टी
हितूपिन्त नं ज्वने माः ।

धर्मेन्द्र- का मेगु ? (फुकं बिचाः यानाच्वनी)

राजेन्द्र- मस्तयत् पाकेट खर्च ह्लि फिका दये हे माः ।

फुक- बांलाः बांलाः । पाकेट खर्च ह्लि फिका दये हे
माः । दये हे माः ।

धर्मेन्द्र- दये हे माः छकः जक च्वयेगु लाकि निकः
च्वयेगु ?

फुक- फिकः च्वयेगु फिकः ।

धर्मेन्द्र- का च्वल का । छकः, निकः स्वकः... । आः
गात ला ।

राजेन्द्र- मगाःनि मगाःनि नीह्लय्गु खाके माः ।

धर्मेन्द्र- धया हचिसा ।

राजेन्द्र- इस्कूलय् ह्लि ह्लि बिदा जुइमाः ।

शंकर- खः खः इस्कूलय् ह्लि ह्लि बिदा जुइमाः ।
(धर्मेन्द्र च्वये त्यनीबलय्)

राम- मजिल मजिल श्व ला मजिल ।

राजेन्द्र- छाय् मजिल ? मापि बाःपि बाज्यापि बजेपि
सुं हे इस्कूलय् वने स्वाः की जक वनीला ? की नं वनी
मखु । उखुनु स्कूलय् भाषण याः वःभ्हेस्यां धाःगु मताःला,
फुकं बराबर जुइमाः । की नं मां बी थें हे बराबर जुइमाः ।
च्व च्व श्व नं च्वयेमाः ।

कृष्ण- मज्यू मज्यू । इस्कूलय् वं मवनकि की फुकं
ज्यापु जुइका ।

राजेन्द्र- ज्यापु जूसा फन ज्यू । काउले छश्वाः
मिलकि फिल्म छकः स्वः वनेत गाः । लतमाचिया गज्यःगु
मोज मखंला । उखुनु तिनियलय् भाषण न्यं मवनाला !
कम्प्युनिष्ट पार्टी वलकि किसानतय् सरकार वइ हें ।

शंकर- अय्सा ज्यू का का । किसान एकता अमर
जुइमा धायेगु कीसं नं सरकार दयेकेगु । जि प्रधान मन्त्री
जुइ, छिपि फुक मन्त्री ।

राम- ना छ प्रधानमन्त्री जूसा का, की प्रधान मन्त्री
जुइका ।

जनक- कीगु माग पुरा जुइगु ला गन गन, प्रधानमन्त्री
जुइगु खैय् नि त्वाना च्वनेमाः ।

शंकर- कीगु माग तुरुन्त पुरा जुइ । जु.....जु.....जुलुस
नि पिकाये माःका ह्तापां ।

जनक- पिकासा नु जुलुस वने नु ।

शंकर- नु का वनेगु ला खःनि । जि जिमिगु माग
धाये खला छिमिसं पुरा जुइमा धा ।

फुक- का धालका नु ।

कृष्ण- पुलिस वलकि छु यायेगु झय् ?

शंकर- अप्पां कयेका छयेगु का ।

धर्मेन्द्र- मखु मखु गुच्चां कयेका व्छयेगु ।

शंकर- ज्यू ज्यू आम नं ज्यू । का छिपि तसकं हा
हैं ! (जुलुस न्याइ)

शंकर- जिमिगु माग—

सकले (तसलं) पुरा जुइमा ।

शंकर- जिमिगु माग.....

सकले- (ऊन तसलं) पुरा जुइमा ।

शंकर- अबुया ब्या: बलय्

सकले- लँस्व: वने दयेमा,

शंकर- ववथाय् च्वंगु बेलून...

सकले- पुइ दयेमा: ।

शंकर- बाबुरा: दाइचा

सकले- मुर्दाबाद

शंकर- पाकेट खर्च...

सकले- ह्नि फिका दये हे मा:, दयेहे मा: दये हे मा:
दये हे मा:.....

शंकर- लँय् फूटबल

सकले- ह्नि दयेमा: ।

शंकर- इस्कूलय् ह्निह्नि

सकले- विरा जुइमा: ।

शंकर- (जोशं) इस्कूलय् ह्नि ह्नि.....

सकले- (तसलं) विरा जुइमा: ।

शंकर- जिमिगु माग (ह्ला: ववयेके फक्व ववयेका:,

स: तस: वाये फक्व यानो:)

सकले- पुरा जुइमा: (उलि हे जोश व तसलं)

शंकर- जिमिगु माग पुरा जुइमा: ।

शंकर- (हानं जोशं) विद्यार्थी एकता... (सुं हाली
मखु ।

कृष्ण- थव छाय् थव, थव हालेगु मखु ।

शंकर- किसान एकता..... (फुकं सुम्क)

कृष्ण- थव नं हालेगु मखुनि । ह्लापलीक कोगु माग

नि पुरा जुइमा:

शंकर- जिमिगु माग...

सकले- पुरा जुइमा: । (थुबलय् हे बाबुराज् हानं
खने दयेक: वइ, मस्त ह्जारर बिसिवनी, भचा वना: दो,
लिफ: स्वइ)

राम- बाउराज दाइ.....

सकले- मुर्दाबाद

(बाबुराज् न्या चिलेत स्वइ, मस्त ऊन ऊन हाला
हइ)

बाबुराज्- थन वा:, छिपि

मस्त- छ थन वारे

बाबुराज्- (तं पिकया: वनेत स्वइ, मस्तसे थ:थ:गु
म्हचां गुच्चा लिकया कयेका: हइ) छयं तछ्याना बी
छिमिगु, वदमासत (धाधां हे गुच्चा छगलं थ:गु हे
छयनय् लाइ) आया... ह्लातं छयनय् कसिक (तयातइ)

मस्त- वाउरा: दाइ मुर्दाबाद

जिमिगु बेलून लित वयेमा:,

जिमिगु बेलून पुइ दयेमा: ।

जिमिगु माग पुरा जुइमा: ।

(बाबुराज् कायल जुया: बुलुहुं लिहां वनी)

धर्कि

ल्याय् म्ह पुच:या गुंगु प्रकाशन

सछिकू ख्यालिया छपुच:

भौयात धौ पासा

गुन्हुपुह्लिया लसताय् पिदन ।

सू ११५०

(११)

को/१८०



व्यङ्गात्मक वाखं

व छु खः !

— हरिशंकर परसाई

सुथय् वयागु मृत्यु जुल ।

व आइतवारकुन्ह विदाया दिनय् सित । वा वयाच्वंगु दु, तर व छः चकंकुन्ह सित । व सुथय् सित, अले जिमिसं तिल्लिनया दुने सो मुडका । बहनी सोगु सा चर्च्छि छने मखनीगु, लिस्से मिस्त चर्च्छि खवया चवनेमालीगु खः । श्व तकलीफ वं मव्यू । व हर्टफेल जुयाः छक्कलं सित । सुयातं वया सुसाःकुसाः यायेगु खास तकलीफ मजुल । शनिवारकुन्ह तलब कयाः काजक्रियाया खर्च त्वःताः व सित ।

व गुकथं स्वात उकथंहे सित ।

सन्ध्या इलय् वार्दली चवनाः जि वयाहे बारेय् बिचाः यानाचवना । दथु दथुइ वया छेपाखे वःगु ख्वःसाः ताये दयाचवन । दिपाः विपाः कयाः ख्वयेगु यानाचवन । बिचाः फयेत सुं वयेवं ख्वयेगु ज्यां पाः काइगु जुयाचवन । कथंमहंगु यक्व यक्व खेत जितः लुमंसे वइ ।

जिगु वार्दलि वयागु स्वाहाने खनेदु । जि वयात स्वाहाने थहांवहां जुइगु खं । व तसकंहे नायिक पलाः छिनाः बुलुहुं बुलुहुं स्वाहाने थहांवहां जुयाचवनी, थुकथं कि स्वाहानेय् न्याक्क न्हइ थम्वाःलेमा, धक्का मलाये थमा ।

व थःगुहे छेय् खुं थें दुहांवनी । वं स्वाहानेयाके माफी पवंपवं थथे धयाच्वंगु थें च्वं— 'माफ या, जि छं छःने पलाः छीमाः । तर श्व जिगु विवशता खः । छेय् ला जि वनेहे माः ।'

याय् चीकू । स्वाहानेयाथाय् गुबलें गुबलें साइकलत दिकातइ । वं गुगुं साइकल चीकाः लें छिकीमखु । म्वयेद्यानाः, फहिलाः, क्वच्छुं साइकलया दथुं व थुकथं पिहांवनी कि गुगुं साइकलयात थितकं थोमखु वं ।

जि वार्दली च्वंचवनकि वं नमस्ते याइ । बुलुहुं छपा ल्हाः बच्छि च्वय् ल्हनाः अले सापहे चीसलं 'नमस्ते' धाइ । पूर्वक 'नमस्ते' नं धाइमखु । वं ल्हापांगु त्वाथलय् पलाः छितकि जक जि वयागु ल्हाः क्वहांवंगु खनी अले सिर्फ 'ते' छगः तायेदइ । वं फुंइके साथ निपां ल्हाः च्वय् ल्हनाः पूर्वक 'नमस्ते' धाइमखु । जितः थारा न्हइकाः याकनं याकनं ल्हाः ल्हनं के मयः वया । वं जितः थुगु तकलीफं बचय् याइ । वया श्व अभिवादन क्षमा याचना नापं जुइ । नमस्ते I am sorry । गुबलें गुबलें जि न्हापां तसलं 'नमस्ते' यानाबिलकि (धयाबिलकि !) व थारा न्हइ । पलख स्थिति यात थुइकाः हाकनं वहे बच्छि ल्हाः ल्हनाः स्वाहानेय् पलाः ततं 'स्ते' धाधां व थहांवनी ।

व जिनाप नं च्वं वः । खल्लाबल्हाय् वं न्हाबले न्हागुं खे न्ये । वं सुयां बारेय् छुं बिचाः याहे मयाः (छुं धारणा हे मदयेकू)— बांलाःगु नं, बांमलाःगु नं । सुनानं— 'फलाना मनू तसकं स्वार्थी धाःसा वं तीसकं' धाइ— 'सकलें स्वार्थी जुइ छि ।' सुनानं— 'व मनू तसकं मर्मि' धाःसा वहे मर्मिह्य मनूया सफाइ बोथे' वं धाइ— 'सकलें हे मर्मि छि ।'

अ, व भुजिया विषयया खं लुमंसेवल । व जिनापसं

चवंचवंगु । भुजित भुइइइं हालाचवन । जि अखवार न्याक्क
न्याक्क संकाः भुजि ख्यानाचवना । जि धया- 'तसकं
भुजि दाल ।' वं धाल- 'वा वयाचवंगुलि का ।' जि खन,
-वया न्हासय् निह्य भुजि जुनाचवन, तर वं ख्यानामछवः ।
ताउजायेकाः वं ल्हाः ल्हन, अले तीसकं भुजि
ख्यानाछवत । वं भुजियाके क्षमा याचना यानाः थये
धयाचवंगुथे चवं 'माफ या, छंत तकलीफ बीगु जिगु बिचाः
मखु । तर छ जिगु न्हासय् जुनाचवन । भतिचा उखेर
ववयाहुं । न्हाःसा हाकनं चवंवा । ह्याय् छंगुहे खः.....'

हाकनं लुमंसे वल । छन्हु सन्ध्या इलय् मत (विजुली)
सित । खिउंसे चवन । जि भैनमत च्याकाः चवंचवना । व
वयाः पयतुत । जि धया- 'मत सित ।' वं धाल- 'खः
छि, खिउंसे चवन ।' जि धया- 'जि ह्य सुख मडु । छि
वर्मा साहेवया थासं फोन यानादिसं । याकनं मत च्याइ ।'
वं धाल- 'च्याइ नि छि, सकसिथासं खिउं ला खःनि ।' व
मवं । भचालंकाः जि वयात हाकनं धयाबलय् वं वहे
लिसः बिल- 'सकसिथासं खिउं ला खःनि छि ।'

जि थुइके मफत, सकसिथासं खिउंइव वइथाय् गथे
तुयिइ ! थ्व गुकथंया सन्तोष खः ? गुकथंया सहनशीलता
खः ?

थज्याःगुहे छुं उबलय् जुल गुबलय् साप वा वल ।
जिपि पिहां जुइगु लंपुइ लः मुनाः ध्याचः जुल । तुति नं लं
नं ध्याचः ध्याचः जुइगु । वं धाइ- 'थन साप हे ध्याचः
जुल । तसकं मछि ।' जि धया- 'अन त्वहं व अप्पा
छपानिपा तयेकादिसं ।' वं धाल- 'छु याये, सकसितं
मछि छि ।'

गजबह्य मनु खः व । छुं कुतः मडु । छुं असन्तोष
मडु । छुं प्रतिरोध मडु ।

छन्हु व पिने दुहांवयाः जिनापं पयतुत । धाल- 'जितः
ला जःलाखःलाया (नापसं चवंहसिया) खिचां न्यात

छि ।'

जि न्यना- 'गुथाय्लावक ?'

वं धाल- 'जि वयाचवनाबलय् खिचां तिप्पा नकल ।
वं तुती वांग्यात । सन्तोषया खं थ्वहे कि, वया वां तुती
मथ्यू । तर वं धोती खुनाबिल । उछु स्वयादिसं ।'

जि धया- 'व खिचाया बारैय् यक्व बांमलाःगु खं दु ।
छि 'पुलिसय् (थानाय् !) रिपोर्ट यानादिसं ।'

वया शान्तगु लिसः खः- 'रिपोर्ट यानाः छु यायेगु ?
न्हाह्य खिचां नं न्याः ।'

खिचायात मार यानाबिल ।

जि धया- 'तर छिगु धोती ला गुत । छि खिचा
थुताःयात ध्यबा (हर्जाना) पुइकादिसं ।'

शान्तिपूर्वक वं धाल- 'न्हाह्येसितं खिचां न्याः छि ।'

छन्हु सन्ध्या इलय् वया न्हाय् लिबाक्कतक छेय्
दुहांमवः । वया मां दिक्क चायाचवन । खिउंसे चवंचेलि
कलाःह्य वयात धाल- 'वयात माःहुं । खिउंइ धुकल ।
जमाना बांमलाः ।'

वं धाल- 'जमाना ला सकसितं बांमलाः ताः ।'

व जिनापहे चवंचवन ।

भचालंकाः न्हाय्हा वल । जि बिचाः याना, थ्व
वयात गनी (व्वबी) । व स्वाहाने गयाचवंबलय् वं
धाल- 'बेबी, छं तसकं हायेकल ।'

हाकनं वयात चवन कि भचा अप्वः जुल । अले धाल-
'न्हाह्य मस्तसे नं हायेकू ।'

जितः लुमंसे वइ ।

चुनाव जुयाचवंगु । जिपि निभ्ह स्वम्ह जःलाखःलात
चवंचवनागु । पार्टीत अले चुनावय् दंपिनि बारैय् खं
जुयाचवन ।

छम्ह धाल- 'थुगुसी ला जनता पार्टी त्याइ ।'

(४९)

(११)

मेम्हं धाल- 'मखु जि स्वयेला हाकनं कांग्रेस हे
त्याइ ।'

जि वयाके न्यना- 'छिगु छु बिचाः दु ?'

वं धाल- 'स्वयादिसं, निम्ह त्वातकि छम्ह त्याहे
त्याइ ।'

छम्हं वः बियाः न्यन- 'तर छितः गुगु पाटीं यः ?'

वं धाल- 'थःत ला निगुलि बांलाः ।'

जि न्यना- 'तर छि सुयात भोट बियादी ?'

वं धाल- 'जि ला भोट हे ब्यू वनेमखु ।'

जि न्यना- 'आय् ?'

वया लिसः खः- 'सकसियां भोट कुहे कुर्की । जिगु
(भोट) छाय् माःगु दु !'

छम्ह जःलाखःलां धाल- 'अयसा छिगु लागि न्ह्याम्ह
सरकार वःसां ज्यू !'

वं धाल- 'खः न्ह्याम्हं सरकार उत्थेहे जुइ ।'

थज्याःगु हे वया भावाभिव्यक्ति उबलय् पिज्वल
गुबलय् महंगी-भत्ताया खँ कयाः कर्मचारीतय् दथुइ
असन्तोष जुयाच्वन ।

जि धया- 'न्यना- सरकारं महंगी भत्ताया किस्ता
मव्यू । छिकपिसं छु याना मदिया ला ?'

वं धाल- 'बोम्ह ला सरकार खः छि । की ला
काइपि । गुबलय् सरकारं बो, उबलय् काये ।'

छुं ह्मि लिपा थुगु मागयात कयाः हडतालया घोषणा
जुल ।

जि धया- 'कल्लय् छियाय् हडताल जुइ । छि ला
ज्याय् भाइमखु ।'

वं धाल- 'जि ला वने ।'

जि न्यना- 'छि हडताल याये मखुला ?'

वं धाल- 'सकसियां हडताल याहे याइ । जि छम्हेसियां
मयायेवं छु स्यनी !'

वं सुथय् सित ।

सी न्ह्यः वयाके भचा होस वल । मिखा कन ।
जवंखवं स्वत । नवात- 'छुं खँ मदु । सकले सीमाः ।'

अले व धायेर्मय् सित ।

वया बारेय् गुलिखेय् खँ लुमंसे वयाच्वन । गज्याःम्ह
मनू व । गुबले प्रतिरोध मयाः । गुगु अस्वीकार मयाः ।
सी तकं म्हाः मधाः । गर्व गुबले दैतकं मदं । स्वात्यांचवंम्ह
मनू । अज्याःम्ह मनू, गुम्हेसिया न्ह्यःने च्यानाचवंगु मूस्याः
यंकूसां सिनावनी ।

जिनां प जःलाखःलाया पासा छम्ह वयाः पयतूवल ।
वं सीम्हेसिया बारेय् खँ त्हानाच्वन ।

वं धाल- 'भाई, अज्याःम्ह मनू लुइके थाकुइ । जि ला
धाये- व सन्त खः । छिगु छु बिचाः ?'

जि छुं मधया ।

पासां धाल- 'सन्त हे खः व । वं सुयातं मस्यंकू
(सुयागु) नोक्सान मयाः ।

जि धया- 'सुयातं मस्यंकू, थुलि जुइवं मनू भिम्ह
जुइला ?'

पासां धाधां यन- 'वं सुयातं नुगलय् मस्याकू ।'

जि धया- 'सुयातं नुगलय् मस्याकू, थुकि यानाः मनू
भिम्ह जुइला ?'

पासां न्यन- 'अयसा छु खः ले व ?'

जि धया- 'छुं धाये मफु !'

वं न्यन- 'अयसा छु खः व ?'

जि अयसां छुं मधया । जि छुं क्वःछी मफइच्वन ।

वं पासां न्यनां च्वन- 'धा रे, छु खः व ?'

जितः च्वन- जिगु तुती नायूगु चीजं ध्वत ।

जि तुति थाथा याना ।

दम्बि हूंथ्यंक वन ।

वं पासां थव खनाः न्यन- 'छाय् छु खः ?'

जि धया- 'छुं मखु । दम्बि+ का ।'

(डा. महीप सिंहं सम्पादन यानादीगु श्रेष्ठ हिन्दी
कहानियां १९७७) सफुति अनुदित)

- अनु. भूषणप्रसाद श्रेष्ठ

+ 'दम्बि' मिसा-मिजं मरुम्ह जीवात्मा खः । थन 'दम्बि'
या लाक्षणिक अर्थ नपुंसक खः ।

संसारया श्रृष्टि-

छगू न्हगु थिसिस

डा. काशीलाल तन्मोट

संसारया श्रृष्टिवारे थौंतक अनेक धर्म ग्रन्थय न्ह्यथ-
नातःगु खँ व वैज्ञानिक धाःपिसं अनुमान प्रमाणया आधा-
रय धाःगु खँ थःगु चितय मत्वयाः थगुने जि व्यक्तिगत
थःगुहे सर्वेयात छात्रवृति भाःपाः अनुसन्धान यानागु खः ।
उकिया लिचवः थौं थ्याक्क दछि लिपा थ्व चिच्चाहाकःगु
थिसिस कथं सकसियां न्ह्याःने फुड्केसाथ तया च्वना ।
तसकं लिमलाः फमलाः यानागु जूगुलि थुकी छुं द्वं विद्वं
दःसा छयाय् मुंका तया दिसै, जि छिकपिन्थाय् व्वथाय्
व्वथाय् वयाः मुंका वये ।

आः स्वयादिसै, थ्व संसारया धातर्थे हे श्रृष्टि गुकयं
जुल !

थिसिस

१. १. पृथ्वी गोल्लाः धयागु खँ शुरुं निसै सत्य मखु
थ्व आः वया लिपा सत्य जू वःगु खः । थुकिनात उदा-
हरण कथं सबूद प्रमाण माःसा मोमोचा पसलय् वनाः
स्वः भाये फु । गथे धाःसां मोमोचा गोल्लाः खः तर
श्रृष्टि जुसांनिसै हे गोल्लाःगु मखु । मोमोचा गोल्लाय्
न्ह्याः बुंया चा पतिमति चिन । अनं वळ सये न्ह्याः वळमाया
आकार वामा थै ताहा जुल । वळ सल । वळ न गोमलानि
ग्वाराजक चिन । व वळयात वयलाः छुचुं दयेकूबलय्
चुचुं जुल । छुचुनय् लः ल्वाकछ्यानाः ह्यापां लः वछि
छुचुं वछि जुल । अनं छुचुं ह्या ह्यां यंकूबलय् थ्व न्ह्यागु
नं आकार काये फइगु जुल । थ्व संक्रमण कालय् मोमो-
चिया भविष्यया आकार सुनानं तिपयाये फुगु मखुनि ।

यक्व यक्व दं ह्याया चीन घकाः आः नां जुया वःगु
छगू देशय् छहा मनुखं छगू इलय् ह्यायातःगु छुचुं कयाः
पतिमति चिक चाकलाकल । गुगुं इलय् पृथ्वी नं थुकथं
हे चाकमक लानाः पतिमति चि घइगु खं बांलाक लुमंका
तयादिसै ।

वयां नं हानं सलंसः दं लिपा वहे चिनियाया सन्तानं
छहेस्यां छुचुं पायात ग्वारा चिकल । तर दुने फुस्कुलु
जूगुलि हानं पतितुं चिना वन ।

वयां नं यक्व यक्व देलिया मेहा मिसाहा छहा
चिनियां व छुचुंपाया दुने ला छकू स्वथनाः मना ब्यूबलय्
गोल्लाःगु मोमोचिया सृष्टि जुल । थुकथं जावा म्हुतुइ
क्वाल्पाक्क न्ह्यागु छगः- मोमोचा गोल्लायेत हे थपाय्
मछि हाकःगु इतिहास पुइके माःसा थ्व थपाय् मछि ग्वःगु
पृथ्वी गोल्लायेत गुलि ई काल जुइ, गपाय्हाकः इतिहास
जुल जुइ छिकपिसं हे बिचाः याना दिसै, थन च्वयां साध्य
मजू ।

२:२, पृथ्वी सृष्टि जुइ धुंकाः तिनि संसार सृष्टि
जुल धायेगु सरासर गलत खः । धातर्थे ह्यापालाक संसार
नि सृष्टि जुल । थ्व ह्यापालाक पत्याः यायेमाःगु खँ
जुल ।

संसारया अर्थ खः सनाः सार यायेगु । सने मसःतले
संसारया सृष्टि जूगु भाःपे मज्यू । संसारया सृष्टि जुइ
न्ह्याः ह्यापां सिमा नि थ्व ब्रह्माण्डय् दत । सिमा घइगु
शब्दया अर्थ तसकं व्यापक जू । थ्वहे सृष्टिया मूल आधार
खः ।

सिमाया अर्थ सिंया मा जक मखु मिसा आदि फुक
स्त्रीलिंगी धातु नं खः । आखः थुखे उखे जुयाः शब्द पाः
थै च्वंसां मूल अर्थ वहे तुं पिहां वइ, थ्व शब्दया विशेषता
थ्व खः । उकि जि लुइकागु खँ छु धाःसां ह्यापां थ्व
ब्रह्माण्डय् छताहे जक “सिमा” घइगु वस्तु श्रृष्टि जुल

खँ छता कने यःसा मरि छपा चुँइ

छगू देशय् छम्ह मनु दु वया काय् सछिम्ह, म्हाय्
बासःम्ह दु । जुजुं जुजुं वया सन्तान छम्ह हे मदया वन ।

गय् धकाः छम्ह डाक्टरं न्यनं व मस्त छम्ह हे थः
कलाःपाखें दुपि मखु हँ कुक्क लाखय् थः अबु धापेसाःपि
म्याय् थः मां लिनाः जन हँ ।

छगु चाहय् छपा जेय् स्वाः छम्ह बस हँ ।

ख्याः खनाः खायाःम्ह छेँ थुयाः वनाः बोलय् स्वः
वनं व ख्याःला भौचिया रूप कयाः जासिया दुने छयं
लिकाये मफयेकाः इतः मतः कयाचवन हँ ।

उखुनु येय् बहनी गोलि कय्कबलय् छम्ह मनूयात
थज्याःथाय् गोलि लात हँ कि गोलि ला दुहां वं नं सी मदु
पिहां वं नं सी मदु हँ । धाइव मनू आः नं व गोलि यान्तां
प्यान्तां घानाः न्हू सतक चाःहिला च्वंगु दु ।

बिलायतय् छकः छम्ह नेपालीं महारानी एलिजाबेथया
दर्शन याये खंगु जुयाचवन । वया मती महारानीया भाःत
महाराजा जुइ धकाः च्वंगु तर वला बाउचा धकाः जुया
चवन ।

अले उकिया तःगू रूपय् विकास जुइव संसारया सृष्टि
जुल ।

ह्लापां सिमा सल, उकिया हः दत । हः हायाः वंय्
धवगीव नालं की दाःथें मनू दाया वल । वहे धचायापुथासं
वातावाता दायाः पिहां वःह्य मनू छि नं छह्य खः । छि
थें जाःपि यक्व मनूत दयेव थ्व पृथ्वी हे छगू संसार जुया
वल गुगु आःतकं वालःसां बांमलाःसां थन दहे दनि ।

सन्दर्भ सूचीः —

१. स्वर्ग व नरक — रामशेखर
२. खःला मखुला — श्रीकृष्ण अणु

थथे नं जुइतिनि अथे नं जुइतिनि

वर्ग विभाजन नेपालय् थुकथें जुइतिनि कि संखा-
कीपि जक हे मन्त्री जुइ दइगु व्यवस्था जुइतिनि ।

सडक कबिता कान्ति थुलि चर्कय् जुइतिनि थन कि
नेपालीत फुक हे महाकवि जुया वइतिनि ।

कृषि विकास जुजुं आलु धइगु थपाय् गवयेक सइतिनि
कि छगः आलु मनूया जन्मकाःछि नयेत गाइतिनि ।

थ्व संसारय् थपाय्सकं तान्वया वइतिनि कि मनूया
चःति खुसिबाः वइतिनि ।

मिस्तय् फेसन थुलि तचवया वइतिनि कि मिजंतय्
कलाः छह्य लहीत हे भिगू जन्मया कमाइ जवनाः तिनि
जन्म काः वये मालीतिनि ।

मौसमया भविष्यवाणी थुलि पाय्छिक याये फया-
वइतिनि कि थुखुनु थुखुनु वा वइगु धकाः दछि न्ह्यः हे
क्यालेण्डर दयेकाः पिकाये फइतिनि ।

३. लिसं — दुर्गालाल

४. The Eclipse — Dhoo swan
Saymi

५. Fugitive Essays — K. P. Malla

६. फय्गं — सम्पादकः श्याम साय्मि

७. हँय् खेय् ध्वंवा — सूर्य वहादुर पिवाः

८. भोयात धौ पासा — भूषणप्रसाद श्रेष्ठ

९. वछास — केदारमान व्यथित

१०. जुजु जय प्रकाश — भिक्षु सुदर्शन

जि पाकः मिसाया भाःत जुल

श्रेष्ठ प्रश्न

१. थनि प्यदें ति न्ह्यः जि व गौरी दाई 'अशोक' सिनेमा हल्य् प्याखं स्वःवनेत शहीद गेटयाथाय् चवनाः बस पिया चवनागु । बस पियाचवनाह्य जि न्ह्यःनेसं मियातःगु स्वये हे साइस्वाःवःगु आमाःसि खन, वनाखतं छम्बःया न्यागः आमाःसि न्याना । म्हं छगः छगः आमाःसि नये जक सिधल बस नं थ्यंकः चल, जिगु ल्हातिइ स्वंगः आमाःसि ल्यन ।

स्वः स्वः जूगुलि बल्ल बल्ल जिगु लागी सिथय्लाकक च्वंगु छगू सीट दत । गौरीदाई जिगु न्ह्यःनेसं दने माल, बसय् कात्तुकाक दनाच्चर्पि मेपि नं यक्व दु ।

जिगु न्ह्यःनेसं बाज्यः वहा छह मनु बास्केट जायेक आमाःसि चवनाः दनाच्चंगु जि खन, गौरी दाईनं नं खन । जि व मनुया स्वाः स्वयां व मनु जिगु ल्हातिइ च्वंगु स्वंगः आमाःसि, थःगु बास्केटय् च्वंगु आमाःसि अले जिगु स्वाः स्वस्वं वास्यां हिलाहल । वयागु नुगःखें थुइकाः जि स्पष्टीकरण बिया-“थ्व आमाःसि जिमिसं नये धकाः न्याना हइगु—”

व मनुखं हिलाः हिलाः धाल,—“ज्यू भपियादिसँ, नयेत हे खः थ्व, यक्व दु छु !”

क्या गजव ! छु धाःगु वं ! जितः मछाःले चवनावल । आमाःसि नये यःगुला ख हे मखुत, जि सुम्क थःगु ल्हातिइ च्वंगु आमाःसि वयागु बास्केटय् तयाबिया, तर संयोगं वं मखं ।

जि आमाःसि वयागु बास्केटय् तयाबियागु गौरी दाईनं स्वयाच्चंगु जुयाचवन । वय्कलं—“छाय् तयाबियागु छं ?” धाधां आमाःसि पिकयाः जितः बिल । थःगु बास्केट आमाःसि लिकाकां बियाच्चंगु खनाः व मनुखं स्वाः भचा

ह्याउँकाः तर न्ह्यःन्यां, छयं वारावारा संकाः धाल,—“ज्यू कयादिसँ, नयेत हे हयागु खः छि !”

जिगु स्वाः भन् हे ह्याउँल, जि कन् हे मछाल, जितः भन् हे मछिन । थम्हं न्याना हयागु आमाःसि चवनाचवनाह्य जि हामस्पूपि मनुतय् न्ह्यःने आमा सि खुं जुल ! □

२. थयेहे हाकनं मेबलय् छवः यलय् हे सिनेमा स्वः वनेगु मती तयाः छह पासायात धया । वं मलाः धाल । जि करकर याना, व मानय् जुल । ‘साढे एक बजय् भूगोल पार्कय् थ्यंकः वा’ धकाः जि छेय् जा नः वया, व न छेय् वन ।

जि इलय् हे भूगोल पार्कया बिते वयात पियाचवना । प्युप्युं साढे दुई बजय् जुलनं वःमवः । जिगु मती खें ह्लात-यलय् वनेत भूगोल पार्कय् वा धाःगु खइमखु जुइ धकाः व रतन पार्कय् जक वना चवन ला ! जि ट्याक्सी छगः कयाः रतनपार्कय् यल धवाकाया बस स्टपय् व्वाय् वना । अन नं पासा मडु । हाकनं जिगु मती वन—जि ला खास वयात भूगोल पार्कय् हे वा धयागु, वं नं अनहे वये धाःगु, जि हाकनं सेगु ट्याक्सी कयाः भूगोल पार्कय् हे लिहांवया । भचा जक पोथुन, पासा ट्याक्सी क्वहांवल । ३ बजय्वागु सिनेमा स्वयेमाःगु, पौने तीन जुइ धुकल, वहे ट्याक्सीइ चवनाः जिपि वना । वं लिबाकूगुली जि जङ्गय् जुया । छेय् मनु वयाच्चंगुलि व वये लिबाःगु जुयाचवन । लिबाःगु जक मखु, वयात नं जितः थें हे जुल खनि । वं तं कन—लिबात धकाः हथासं ट्याक्सीइ चवनाः भूगोल पार्कय् वयां छ मडु । यलय् वनेत नं भूगोल पार्कय् वा धाइला ! रतनपार्कय् वा धाःगु जुइ धकाः रतनपार्कय् वना । अन नं छ मडु, धत् जितः ला खास भूगोल पार्कय् हे वा धाःगु खः धकाः जि हाकनं लिहां वयाबलय् छ नाप लात का ।.....जि ला थथे जुयाः लिबात का, छ गन वनाचवनागुलय् पियामच्चसँ !”

लाटा हिसावं धाःथाय् पियामच्चसँ बाथा जुयाया कारणं निम्हं पाकः मिसाया भाःत जूगु चासँलि जिपि निम्हं मोटरय् इति इति न्ह्यःन्यां वना ।

थौं-कल्लय् नं सुयातं पीगु खें बलकि वा पीमालकि जि उबलय् थें पाकः निमाया भाःत जुइ माली धकाः ग्याइगु, अले हिले वइगु ।

